

西沔全集

西涯全集

西滙全集卷第九

門人

新津童 校編輯
成都宋寶械
眉州劉鴻典
男 茲蟻校刊

制藝目錄

自天子以至於庶人壹是皆以脩身爲本

康誥曰作新民

君子賢其賢而親其親小人樂其樂而利其利

子曰聽訟吾猶人也必也使無訟乎

孝者所以事君也 三句

是以君子有絜矩之道也

生之者眾食之者寡爲之者疾用之者舒

敬事而信節用而愛人使民以時

事父母能竭其力事君能致其身

齊之以禮

仁者安仁知者利仁

子曰君子之於天下也

一章

君子懷德

四句

子曰不患無位

一章

仁者靜

據於德

子之所慎

子曰我非生而知之者好古敏以求之者也

子釣而不綱弋不射宿

君子篤於親

博我以文

二句

政事冉有季路文學子游子夏

而求也

足食

冉有曰既庶矣

二節

夫子欲寡其過而未能也

曾子曰君子思不出其位

曰脩己以安百姓

君子貞而不諒

子曰辭達而已矣

聞諸夫子曰君子學道則至
偃之言是也

恭寬信敏惠

博學而篤志切問而近思

國有道不變塞焉

宜民宜人受祿於天

文武之政布在方策

行而世爲天下法言而世爲天下則

苟不固聰明聖知

一節

謂其臺曰靈臺

二句

禹疏九河

至

而注之江

西子

存其心養其性所以事天也

中天下而立定四海之民

禹之聲

自天子以至於庶人壹是皆以脩身爲本

人無無本之學脩身其要矣夫天下國家皆本於身天子至庶人皆學中人也可弗端其本歟經若謂自格物而平天下大學之條目綦詳其先焉者功必有所從入其后焉者效不可以驟期夫明其不可驟期而得其所以從入此非知本者不能也世無不學之人人無無本之學本之所在更得爲學者直揭之吾言物有本末矣明德爲新民之本無二本也苟析而言之則亦遞有所本以新民論天下之本在國國之本在家以明德論格致爲誠正之本而格致誠正又脩身之本

然脩身以上之事可以脩身該之而脩身以下之事可以脩身暨之身也者家之所觀型國之所取則天下之所嚮風而聽隨流而化者也明德爲本豈不以脩身爲本哉且夫事苟可以然而不必然則人之爲是事者亦或然而不必盡然若身之宜脩豈猶一二人之事哉吾於是益穆然於學之必有其要而古大人之納一世於學中者之良有以也盡天下之事無一非具足於學之事事與事相較其中之分數亦自相當而理之不容泛鶩者則在於博觀而約取若曰吾固有身也若之何其後之也反求諸身而大人之學遂以先萬物而

植其基盡天下之人無一非受治於學之人人與人相較其
中之差等亦自不齊而責之不容旁貸者則不啻異位而同
功若曰人盡有身也若之何其歧之也各治其身而大學之
教遂以合羣倫而授之範等而上之是可斷自天子矣有有
家者有有國者天子則兼有天下身之所御旣繁自脩愈不
能不密故銘梓警帶無非惕厲之神等而下之抑且至於庶
人矣有有天下者有有國者庶人則僅有其家身之所託雖
下自脩正不得不嚴故負耒橫經亦有知覺之任世無不學
之人人無無本之學其以脩身爲本也非壹是皆然乎古大

西清全集卷之六
二
人之欲明明德於天下者其以此乎夫古大人遠矣而良法
具在所謂王之元子衆子卿大夫元士之適子與凡民之俊
秀莫不入學則自天子以至於庶人孰非學中人者誠使人
人知本將天下無不脩之身卽天下無不明之德安見今必
異於古所云也

康誥曰作新民

民有自新之機新之宜亟矣夫民之自新者存乎民而要不得聽之民也以作之者新之謂非有民者之責哉傳者若謂大學之道在明明德在新民古之言明德者因德之本明而明之而或懼乎明之不力也此其義吾旣於康誥得之言新民者因民之自新而新之而或懼乎新之不力也此其說吾仍於康誥徵之孟侯所蒞爲衛自武父至圃田是也不曰衛而曰康康屬采邑稱名猶從其朔耳疆以周索實封於殷墟而往盡乃心遂以一人膺作君之重諸侯始封有命如蔡仲

與微子是也不曰命而曰誥誥屬訓辭申戒固惟其詳耳敷
求先哲王亦祇適乃文考而興聽朕教直以一語括保赤之
全其曰作新民者可述也且夫猶是民耳何以能新也獨夫
之淫酗已甚其德旣穢其聞亦腥一旦紹我見休卽三光岳
瀆亦驟發其英靈彼匹夫婦之精神乃爲之一動矣舊染雖
汚而秉彝固在其新也吾以知天理之不容中絕焉且夫民
旣自新何以有待於作也庶頑之錮蔽初開其志未定其氣
猶浮誠能因勢利導俾七族遺黎莫不體上德意斯我國家
之治化乃聿觀厥成耳合由以容而罔迪不適其作也吾以

知王業之無可苟安焉聖王無事不探其本民雖慕義安得
翕然從風則躬行宜先矣以誥觀之一則曰敬典再則曰敬
典或以叔爲母弟尙在幼穉之年故必飭以宅心不知違乃
猷者莫先於裕乃德也我無用非謀而民之非謀者沮我無
好逸豫而民之逸豫者興不然且不能厥家人越厥小臣矣
欲民之勅懋和也得乎起教於微渺是作之之本務也聖王
無事不杜其漸民卽嚮風安保不罹於咎則制防宜立矣以
誥觀之一則曰陳時臬再則曰陳時臬或以叔在王朝原屬司
寇之職故仍與之言刑不知明乃罰者正欲其厭乃德也民

爲去惡之民知元惡大憝而去惡者益易民爲率教之民知
不率大戛而率教者益神不然始末嘗不祇肅後且陵夷矣
欲民之畢棄咎也得乎制治於未亂是作之之大防也要之
作之之術不一而民之有待於新者則無以異是可爲新民
之一證云

君子賢其賢

二句

觀前王之所貽其新民者至矣夫賢親則君子得其道樂利則小人得其欲前王之貽於後者有然其新民抑何善歟且王者握樞御宇固欲醲化懿綱延期流祚耳乃若德施大而世曼壽以至永永年服我成烈舉朝野上下無不載聖天子之精神焉則遺澤孔長矣詩言前王不忘於乎何施而臻此乎則且徵之君子既爲君子苟聰明自用事事狹小夫前人豈曰能賢夫賢固非無本耳我觀文王當日明夷演玉門之策上辛振辟雍之鐘迄乎重光載迪我武王之銘慎銘恭者